

含

經

堂

集

名經堂集卷四目錄

詩四

壬子元日早朝

同潘孟升飲大兄寓齋二首

扈從 籍田恭紀

送座主大學士曲沃衛公旋里

次韻奉和大學士益都馮公亦園詩二首

南苑 閱武應制

癸丑二月十三日 上御經筵 命講

三月二十三日恭聽傳臚喜家二兄及第

西苑賜宴觀荷詩四首

送顧見山之洮岷任

答白東谷先生見懷之作

送李侍御左官出宰

題尤生洲小像二絕

宋夢天學士遷戶部侍郎有贈

送吳孟舉

馬殿聞招同兩家兄及徐方虎王成博韓元少王

季友李倚江集李氏園亭話李文正王文恪吳

文定諸公賞菊圖軼事因次圖中馬上聯句原

韻二首

酬別錢飲光二首

和韻贈吳敬生

亦園秋興四首次益都馮公韻

九日留直內閣

立春日侍直

送曹峨嶧予假旋里

送王建伯成進士還里

送王虹友還里

送龔司空相度河工

侍宴景山蒙賜金盤李

送陳悅巖宮詹祭告北鎮

送徐方虎

贈孫妃瞻別

送湯爾遠任寶應學博

弘德殿直講恭紀二首

武關即事二首和孫作庭少司馬

武殿試讀卷次益都相公韻四首

含經堂集卷四

崑山徐元文立齋著

壬子元日早朝

瑞氣曠曠揭曉暎充庭玉帛共朝元
百靈祥護蒼龍闕
萬壽聲喧白獸尊
繞仗晴光凝日角
分堦清珮雜雲門
天廚向午還開宴
簪被齊霑湛露恩

同潘孟升飲大兄寓齋二首

宿柳宜春晚平樓
愛雨餘入簾三徑草
傍戶一牀書
觴詠情何遠
衣冠禮最疎
豈須心迹并
即此是幽居

相對惟深飲
更闌百舉杯
月憑高樹吐
花受晚風催
不盡吹塤興
偏驚擊鉢才

調孟升詩先成

莫愁酩酊醉猶控玉鱗回

扈從 籍田恭紀

東陸迎春候南郊舉耜年三微開曆朔八政重民天紘
禁齋扉啓青壇社享澍雨添畦樹碧風送苑花妍玉軼
臨神甸鑾旂麗廣川深宮嘉種上魏闕珮琚聯淑氣芳
林裏卿雲帳殿前朧朧開直道懸懸出橫阡六遂承恩
近三農望澤偏朱紘迎曉日蒼輅拂輕煙禮即三推備
勤當萬國先明禋供御廩多稼儆公田講治思蔗蓂勞
民念粥饘憲章卑漢記闕略鑒周宣幸遇康功即還陳
七月篇

送座主大學士曲沃衛公旋里

帝眷優元老台司重大賢人瞻朱袞入朝待黑轡旋虛

仁三階上分憂百辟先曾聞開閣禮終絕掃門緣峻節
冰壺映成功樂石懸人倫師儉素天意信恭虔捧日重
霄際興雲太岱邊矢謨前御席清問走中涓道足侔元
凱情還念倥傯老臣回劍履殊寵備林泉興逸逍遙谷
榮傳畫錦篇驛符沙苑馬月俸水衡錢宿柳青門合流
鶯紫禁連廷臣餞疏廣弟子賸彭宣絳幄恩無二金閨
遇最偏霜蹄慚翦拂雲翻羨飛鸞身繫安危重名真出
處全誰能上姑射冰雪侍神仙

次韻奉和大學士益都馮公亦園詩二首

上宰林園偏勝地風流自詠輞川詩陂塘小鑿堪垂釣
楊柳新栽漸作絲望裏雲巘開遠障鋤成花圃插重籬

春蕙秋幹皆堪賞此日金臺異昔時

平楚蒼然背郭遙四圍芳樹雜申椒雲邊睥睨環新塢
水外亭臺帶野橋鶴徑飛觴時藉草花林度馬競攀條
期公雨露寰區遍帝里先看物色饒

南苑 閱武應制

青陽初動禁林隈講武親煩萬乘來鵲曉風傳鳳蹕
芙蓉芳苑下龍媒祥煙東陸凝天仗爽色西山接帝臺
弓影簇時皆似月車塵飛處已成雷雕旗映隊雷聲發
羽節臨營鴈翼開令出分明司馬法功成應待畫麟才
中黃指顧雲屯合太白翩翻日景回石壘舊圖傳八陣
衮衣後乘列三台射雕飛將鳴絃侍繡虎詞臣載筆陪

廣南旌門無過烏霞明組帳有傳杯只看師武嚴初律
已覺 皇仁布九垓此日儒官齊獻頌葱蘢佳氣近蓬
萊

癸丑二月十三日 上御經筵 命講

精微千古繼虞廷講幄重開列御屏 帝業就將方一
貫臣司揚扆已頻經金題日麗鑪煙暮玉殿風微樂奏
停拜獻欲訓勤問意涓流何以益滄溟

三月二十三日恭聽傳臚喜家二兄及第

通明春殿啓天閭鸞鳳銜來御紙黃夾夾陛旌旂含喜氣
分行簪笏媚韶光一門世業青箱裏廿載 君恩紫禁
旁何意棣華相映發後先齊占上林芳

西苑賜宴觀荷詩四首

有序

蓋聞軒后神靈史著合宮之頌姬文光顯詩成在
囿之篇良田治紀阜安休徵游豫事堪永世樂在
無荒也欽惟昭代景運開天 皇仁被物值 主
臣之一德吁咈成謨撫清宴於萬方游歌志雅時
維炎夏律中林鍾候應溫風日交大暑薰來殿閣
凍灑晨涼備芳苑之車旗觀蓬池之菡萏松廳颺
乎御路雲晻靄于華林爾乃仗擁千官班聯三省
共叨恩于陪輦得攬勝于流觴洞壑幽清似九成
之避暑樓臺飄緲望三島以登仙溢路鸞鈴旌旆
彤雲生色分行劒鳥芙蓉綠水為鄉遂乃徑轉銀

塘隄牽錦纜泛鷁鸞于別渚晴島映于遙汀青雀
凌風張中流之綵幄金鰲跨澗橫倒飲之晴虹停
橈則影接天光擊汰而波涵帝澤歲蕤翠蓋琅
玕出海之枝施赫朱鷁鞅凌空之色石鯨自躍
日暖滄池翡翠群飛風香碧沼于是堯尊徧酌挽
北斗以挹雲漿湯鼎兼調啓瓊筵而陳玉饌波光
寫鏡乘槎銀漢之旁清籟自天張樂洞庭之上
敕從官以勸勞天語溫和停羽騎而遲回容
情悅豫豈徒蘭芳菊秀誇沚水之雄材帶幕歌鐘
侈樂遊之高譙而已哉蓋將以嗣鎬洛之逸軌流
卿旦之隆聲也用是敬托颺言有懷思獻載歌長

句不醉無歸綠樹細荷比陪遊于興慶玉堂金闕
媿侍宴于蓬萊庶幾七字之成冀誌千秋之盛云

爾

濯枝雨過啓朝霞暫下金輿攬物華魏闕迢遙連秘苑
瀛洲縹緲是仙家雲飛曲蓋迎空舉柳蔭凋鞍拂路斜
極目澄瀾明鏡裏還從碧漢泛星槎

帳殿臨流暑乍涼紛披菡萏溢銀塘朱英的的迎丹旆
翠葉田田映碧觴盡舸風來含水氣綺筵晴望接山光
汾游洛飲奚堪數此日君臣燕愷長

最誇勝地過蓬島更喜芳尊侍黻帷仙籟恍聞天上樂
名花本號水中芝九成華棟鼇梁近百子靈池鳳艦移

聖主光輝到鳬鴈況班鷁驚沐殊私

軒庭禮樂簪裾盛漢苑風光臺沼多幸得親承瑤水宴
可能無奏爛雲歌天星泛酒流芳蟻神鼎施庖進紫駝
歸傍禁闈咸旣醉回看太液是恩波

送顧見山之洮岷任

朔風近嚴節行人戒晨裝傾城爭祖道四座各盡觴
聖朝隆岳牧出鎮需賢良顧侯擅才諳風雅能文章高
藻比蘭玉名傳京洛場守官二十載幾載尚書郎屢奉
黃紙使經時別帝鄉一朝旋蘭省祇命復遐方岷山
高嵯峨洮水流其陽地接湟中塞關臨枹罕羌軍書十
五城斥堠遙相望勞臣倦魏闕天子重巖疆姓名留

殿柱京兆何堂堂憶昔共游處心期同慨慷翻飛每異地懷抱成分張睽彼南雲馳感茲越鳥翔何辭厲羽翮一舉凌雪霜弭節整前旌青驪溢道傍且醉駝酥酒醉後歌伊涼袖中西域圖歸來奏明光

荅白東谷先生見懷之作

石頭城下承顏色使節飄飄返京國提攜駒齒絡青絲爲許莢花空冀北蕭瑟秋颺下白門當時渡落負深恩重來相見金閨側無限春風笑語溫玉堂舊事追趨久共識流輝照前後文體遙應翼典謨履聲直上千台斗爽鳩封事奏明刑薄海秋荼拜福星豈謂松筠耽綠野故遲霖雨答蒼生白傅歸來唯却掃著書牕下龍鱗老

絃歌幾載隔彭宣不惜瑤華慰枯槁一官牢落對金臺
何日玄亭問字來回首平生拜恩處晉雲燕月共徘徊
送李侍御左官出宰

文帝漢明主長沙棲賈生後人疑痛爰何不交公卿豈
知摺后意任才良匪輕聖朝重民寄亦輟蘭臺英春
風戒單車拜手辭承明南征即長道祖帳傾都城軒輊
中外間世情豈足嬰蒼梧瀟水上自可效澄清百里歌
謳作一室清琴鳴主上待宣室行矣勉令名

題尤生洲小像二絕

蚪姿宜在畫圖中家住吳山東復東自愛鳳皇城下路
玉驄嘶入落花風

知爾高名似越人，
揭來調馬薊門春。
上池縱有滫腸水，
不浣淄衣十斛塵。

宋蓼天學士遷戶部侍郎有贈

禁林仙閣典綸絲，
綵筆攜將判度支。
獨筦九銖泉府筭，
好吟萬石栢梁詩。
艱難苦憶民生計，
水旱頻教聖主知。
恩命仍通丹殿籍，
莫言奪爾鳳皇池。

奉命仍兼學士

送吳孟舉

有客愁看京洛塵，
扁舟回指潞河濱。
離亭酒對西山雪，
御苑花遲故國春。
舉坐清言推樂令，
一時詩格數吳均。
四門學館興賢地，
君去如今復幾人。

馬殿聞招同兩家兄及徐方光王成博韓元少

王季友李倚江集李氏園亭話李文正王文恪
吳文定諸公賞菊圖軼事因次圖中馬上聯句

原韻二首

郊野秋深動遠颺高林蕭爽葉初辭槐張油幕堪留坐

栢結僊禽不耐騎

園有槐樹編枝成慢及結栢爲鶴形

亭館乍開涼雨後壺觴却

過晚花時尋幽未是離堂酌莫漫輕題贈別詩

時家長兄擬南歸

樓外輕雲柳外颺追攀前致主人辭銀牀倚處看新汲

寶馬調來待醉騎休澣共誇先代事談諧頗憶故鄉時

座上皆吳客

縱無街火供官燭猶得宵聯並轡詩

先朝故事京朝官燕飲還御街更例

給燈火望若繁星

訓別錢飲光二首

此日燕臺醉客星，高人聊爾寄沈冥。
樓頭意氣猶湖海，座上衣冠自典型。
飄梗不辭違故里，息機終喜戀巖扃。
離亭寒色春過半，煙柳濛濛未放青。

曾是雉羹傳上壽，今看鶴髮宛神仙。
仙便便有腹誇經笥，落落無心問酒錢。
笛感向期如昨日，時宗伯撰書成漢伯

亦多年

吳鶴亭漢伯作易說及詩解見益都耆舊傳先生所著書則易學詩學也

他時吳會扁舟過春樹

江花意邈然

和韻贈吳敬生

躡屩間關別故林，燕王臺畔恣登臨。
青雲豈惜遭時晚，白髮應知感遇深。
花底攜朋還共醉，風前策衛且長吟。
帝城四月啼鶯滿，爛熳看君桃李陰。

敬生門弟子多登第官京師者

亦園秋興四首次益都馮公韻

名園負郭帶煙霞徑仄橋危逐水斜
朝罷每來成日涉秋深極望覺心遐
地堪結架偏依樹池可浮舟故著槎
便欲息機觀物外相攜騎從寂無譁

招隱寧須問薜蘿小山蘂桂此無過
籃輦客到迷幽徑籬落花開漾晚波
興至不辭清濁酒情深時發短長歌
台庭吟唱多佳句欲和其如白雪何

藥圃蔬畦傍水濱酒壚僧舍自爲鄰
幽尋不惜過從遠促坐應無禮數頻
霄漢名高看補袞江湖心在試垂綸
林亭涼葉隨砧杵想見汀洲采白蘋

楓落蘭彫露乍收獨餘楊柳宿煙浮
行人尚欲攀隄畔

少嬾猶應怨陌頭何處數聲聞隴笛只今萬里擁天矛
人生蕭散真難得暫此留連便十洲

九日留直內閣

餌菊囊萸節物道禁庭分直獨淹留未成孔令升臺別
欲賦潘郎寓省秋閨闔生風微爽入罽毼轉日晚光浮
莫言辜負登高約已踏雲霄碧殿頭

立春日侍直

玉律回陽候金門向暖初蒼珪臨鳳宸青旆繞龍輿日
麗編珠網風和結綺疏發生同草樹常得傍軒除

送曹峨嶠予假旋里

愛爾金閨客文章獨老成人推江左秀家擅建安名驛

路薰風發門前潮水迎深知觀省意非是厭承明

送王建伯成進士還里

涼颼乍起入秋晨策馬南旋問去津喜爾已爲通籍客
憐余猶是未歸人敝廬暇日殷勤訪邸舍愁懷展轉陳
好共兒曹愛清晏窮探萬卷及芳春

送王虹友還里

才華如錦筆如椽京國閒遊意渺然客坐高談憑玉塵
相門遺業護青氈十年風雨違文讌一夕星河照別筵
此去鄉園秋未老好題佳句滿西田

送冀司空相度河工

霓旌獵獵挾霜風詔視河渠仗節雄自昔經營先太

保況平水土屬司空導流積石還趨海伐竹宣房待築
宮杭稻雲帆關國計好紓民力慰宸衷

侍宴景山蒙賜金盤李

山亭瑤席午陰涼珍果房陵特賜嘗似日朱萍含石密
如星丹荔抱丁香甘流玉齒涓涓液色映金盤熠熠光
瓊玖尋常猶有報深恩何以答君王

送陳悅巖宮詹祭告北鎮

潔齋銜命鳳皇城秩祀醫閭指舊京金版宣時甘露
下御香焚處霽雲生名山望幸非無意才子乘春倍有
情此日徒河非絕塞八騶高擁使車行

送徐方虎

有美吳興彥歸心懽容與游子重解攜居人念倚侶風
昔忝同懷噦噦最古處憶君游太學談笑輕華臚篤行
比林宗明經方貢禹三策獻彤廷萬卷闕秘府同時多
駿雄斯人寡匹伍長貧守一官風期每自許 皇都八
月秋曾城急砧杵上書請休沐翻然歌出祖悠悠千里
行輕鷗閒柔艣蘋洲一葉下菰城片帆舉明年越山春
金芽香顧渚茗雪水初生花溪夾漁浦趨裝及良辰山
川曠天宇長嘯黃金臺爲君一延佇

贈孫杞瞻別

天府琳瑯南國琛禁庭容裔奉恩深喜余兄弟兼師友
愛爾風流絕古今載酒春生泰嶺畔題詩月上碧湖陰

風光莫戀鄉園好丹宸須君獻六箴

送湯爾遠任寶應學博

羨爾譚經獨少年此行猶得擁青氍毹比據座官偏冷
芹藿充盤春可憐折角定能傾五鹿升堂好爲兆三鱣
射陽湖畔花千樹載酒誰分月俸錢

弘德殿直講恭紀二首

肅穆金華散紫氛侍臣親切望堯雲萬幾不忘三餘學
一德兼修六藝文宵漏未闌勤玉宸晨參纔罷擁書芸
邇英崇政承恩數愧少涓埃答 聖君

綈人瓊筵直御牀琅函開處裊鑪香細旂旁委神仙珮
繡棟高懸日月章敢謂重霄攀羽翼期師往聖見羹牆

玉階向午從容出甘露金莖每賜嘗

武關卽事二首和孫仲庭少司馬

詔求猛士 帝紘開飛蓋羣賢接軫來
瑣院深宵藹蒼燭華堂清讌菊花杯
賓鴻白露初遵渚市駿黃金舊築臺
簾外侍郎傳逸唱定知孫楚濟時才

想像陰符簡練時長槍那可廢毛錐
禁中頗牧應推爾暗裏孫吳合是誰
磨盾他年看草檄登壇此日試褰旗
三湘百粵餘封豕敢負楓宸鼙鼓思

武殿試讀卷次益都相公韻四首

廷簡干城彥飛騰志意伸含毫當殿
陞被褐近星辰豹虎戎韜舊熊彫
嶺下新長楊還校射親奉屬車塵

選並春曹重臨軒 詔命申承恩仍秘省撫景及蕭辰
廟算籌兵熟軍書獻捷新歌風思猛士邊徼靜煙塵
風緊三秋過雲衽五色來登壇他日事挾策一時才鳳
閣傳麻出龍樓候鑰開方張羅士網誰復歎無媒
東掖連丹陛羣公赤舄來翹關應得將拊髀爲須才列
燭銀盤照分筵玉醴開黃金臺上望袞袞驟龍媒

冷經堂集卷五目錄

五

丁巳秋唐子恪省試報罷同余自白門歸口占三首

諸勿菴董律始少楹自青溪兄訪集家大兄憺園限雲字

勿菴律始少楹集家二兄書齋仍用雲字

晚集得樹園仍限雲字

立秋後一日棹過郊園訪確菴和尚家松之適來分韻得秋字五首

九月十日同友人登山晚移棹妙喜園訪確公二

首

九月十五日愚谷伯父顧大讓表兄見過荒園同
家二兄及松之韓來鶴顧予聞泛舟山塘登山
玩月過三益園小憇還就大讓霖雨堂飲四首
諸勿菴招遊辰余諸峰賦謝八首

訓高澹人四首

陸宇鏡劉震修萬貞一葉九來王碩園家松之集
綠滋堂分韻得微字

小園桑樹六月得花因成二首

夜過維亭

望亭夜發二首

慧山泉二首

毘陵苦旱二首

桔槔

至毘陵寓居楊氏宅二首

家大兄自泰興過常州寓舍

苦熱

陳集生見訪毘陵

西瓜

將去毘陵震修以病留適唐子恪至遂同行

所在禱雨不效感而賦此

丹陽曉發

句容漂水道中

至漂水宿永壽禪院

贈吳敬生學博

蒲塘

過漂水後重東敬生

高淳七少小飲憶震修

高淳雜詠四首

至宣城同梅淵公晚登敬亭山二首

渡青弋江

青陽道上古樹成林

清泉

翫華亭

過齊山

謁余忠宣公廟

皖城

望樅陽有懷錢叟飲光

阻風老洲頭

題畫

登橫江太白樓

阻風土橋

繁昌江上

蕪湖送經遠同唐子恪赴宣城

螺磯弔孫夫人

天門山

采石

故神樂觀

織造曹君示所賜 御書敬賦

含經堂集卷五

崑山徐元文立齋著

丁巳秋唐子恪省試報罷同余自白門歸口占

三首

斥鷃何相笑神魚亦暴腮
世人輕實學天意老奇才
山葉迎寒下邨蓬逐晚開
憶君出門日方藝早禾來
頗閱推遷理能將得失忘
忘行藏任豚犬閱歷勉風霜
白屋愁深淺青箱業渺茫
樟園風日好爲展讀書堂

吾家有玉樹早發一枝榮
憐爲常多病憂兼易得名
猶餘竹林想不忘渭陽情
傾遲長安信歸當并日行

炯姪南
開撰稿

諸甥姪試京兆
者尚未得信

諸勿菴董律始少楹自青溪見訪集家大兄憺

園限雲字

勝侶翩然鶴鷺群清言疎坐散炎氛稱詩句好留黃絹
招隱情多贈白雲池上一尊傳碧葉樓頭萬卷裒香芸
夜涼莫訝追吟晚筆硯年來久棄焚

勿菴律始少楹集家二兄書齋仍用雲字

難成良會易離羣豈惜晨遊盡日曛却望天邊飛赤羽
不教巖下走元鱣鮮葩坐對蘭池草幽石庭分笠澤雲
最是洞陰深樹裏基聲落落落隔窻聞

晚集得樹園仍限雲字

偶營一壑伴鷗羣好客來過蕙草薰老樹蒼苔臨小築

平時綠明看初耘當軒澹澹流華月映澗鱗鱗漾水雲
野色山光堪共賞莫辭深酌到宵分

立秋後一日棹過郊園訪確菴和尚家松之適
來分韻得秋字五首

曳杖琴臺最上頭相期瓶鉢玉山留

余訪確公靈巖確公方欲退院余家有別業在西郊之外

因拾之

彌天迹可同孤鶴得地心還近野鷗數畝檀欒香

閣晚四圍菡萏碧池秋空郊寂寂無人到獨許南州孺

子遊

謂松之

江上初迴舫艤舟一瓢聊爾託西疇

確公自京口還止此

危橋枕水

波還碧老樹垂藤意已秋終日看山非縱屐有時迎客

自科頭禪心不廢風人興詠就新詩似貫休

確公見示園中十詩

寂歷禪龕象外幽偶成良會足冥搜閒房坐臥誰爲客
小院清涼不繫秋盡脫言詮輕觀肇獨期心賞在羊求
禪林大樹餘公在蔭覆人多合斃休

竹風莫莫景悠悠高樹清蟬嘯未休林罅巖光孤塙迴
籬邊樞影片帆秋鴈門師結東林勝鹿塞人傳朔漠愁
一卷共吟還共歎鶴書曾不到營州

適讀吳漢槎
秋笈集故云

浮生幽志苦難酬此日流連散百憂聽演三車移永晝
看飄一葉及涼秋飯魚每撥匙中粒渡客常維樹下舟
此地好餘元度在芙蓉湖畔莫輕遊

時錫山方
招延確公

九月十日同友人登山晚移棹妙喜園訪確公

二首

似已過秋禊人真慰索居招要翠微半徙倚夕陽初遠
襟林煙合空郊鴈影疎攜將茗椀在斗酒不須儲
乘興還紆棹禪關欲掩初丹霞餘碧嶂白月在清渠小
閣芙蓉外香龕桂蕊餘不成淹夜語揮手故躊躇

九月十五日愚谷伯父顧大讓表兄見過荒園
同家二兄及松之韓來鶴顧予聞泛舟山塘登
山玩月過三益園小憇還就大讓霖雨堂飲四
首

聯袂相過總忘形茆齋曾不異郊垌清池皓影呈雙鶴
老樹深陰覆一庭乍斂林煙開月宇更烹茶鼎候山亭

伯父先遣僮
至山園煮茗

門前小艇涼波動疑上天河泛客星

登山得月是嘉辰景霽高空迥絕塵此夕金波浮雉堞

當年碧浪駭龍津

玉峰下故是巨津洪波法洞坐山亭談此故及之

峰迎顥氣星河逼樹

帶寒光水石新應爲半秋風雨過故教靈魄倍還人

結架天然地一區相將小隱共清娛

三益園爲伯父及葉九來吳扶風所同築

琢成

瓊壁環屏障開取軒窗出畫圖兩水澄明含玉鏡數峰

崢嶸傲香鑪空傳三徑蓮華下曾有奇巒入座無

綠野遺蹤越百年至今堂構尚依然

霖雨堂乃顧文康公別業

秋籬向露

開金靨畫幌迎風動綺錢共把紅螺臨廣榭故移青雀

繫迴川

大讓然余輩竟後移其舟去故處求之不得

夜闌不惜重攜手肯負瑤光碧

海懸

余與來鶴輩更舍舟踏月而歸

諸勿菴招遊辰余諸峯賦謝八首

靈峰招隱結蒿廬暇日相將散客裾竹磴迴縈丹嶂杳

書堂閒敞碧壇虛當牕遠塔雲中出拂檻清泉石底疏

漫說神還有奇蹟幽人此住即仙問
辰山九峯草堂爲勿菴所築與神還館接

多君泉石展奇勲剔藪摻巖歲月勤不忘溪山當日主

更留祠廟碧湖濱祠列九峯諸賢在鏡湖側菜花豆葉浮金翠荇帶蓴絲

映穀紋正值春皋課農罷牛欄斜映一林曛

細林東麓眇雲莊高會依然君子堂飲陸氏園中入坐半爲樓

遜客看山多在水雲鄉仙巖暫駐逢鳬鳥石鼎聯吟佐

羽觴邑令劉侯與曹道士在坐月午芳筵拌醕酏幾時更摘晚菰嘗

半峰紺宇出雲根二俊書齋舊此存千山圓智寺二陸讀書堂在焉不見

華亭餘唳鶴空聞蘭芷詠飛鴛天連白水光疑瀉山接

青冥勢欲奔騰有東巘高士墓好留煙月伴黃昏

三高士墓在東麓

上嶺雲橫下碧川層巒峭崿鑿何年老藤挂樹花枝亂
峭壁臨潭石影懸自覺林中來客少每于臺畔得春偏
穠桃落盡辛夷放刺眼風光劇可憐

芳園名岫足冥搜選勝重來動昔愁桂棟雕闌那不改
篴輿笻屐幾能遊煙含遠樹巖皆秀澗積春苔徑自幽
香閣依微竹院靜好山長爲佛龕留

橫山李氏園平風嘗遊止中經興廢亭館蕩然將變

爲墟塚慎勿葬其山偏置精廬守以緇侶山得無恙

自哭陳遵歲月深與君同絕伯牙琴重煩此日遺編贈
無限空山感舊心

陳十峰與勿菴及余最善勿菴攜十峰舊蹟見贈

客舍尊罍頻入夢

往與十峰同
客日事文酒

墓門松檟未成陰，關情更有潘尼在江上青龍。

對苦吟

余少曾與潘翁孩士同十峰
賦青龍江詩，孩士今亦同遊。

迢遞迴塘漸向東，第三峰下盡撓通。

謂余山

地宜薜荔泉皆

別人到丘樊，賦每工古寺蒼茫層嶺外，閒園蕭瑟晚煙

中，頑仙廬畔傳經客，碧璣銀燈夜半同。

是夕飲董律始齋中，其
居即陳眉公頑仙廬。

誚高澹人四首

揆天才獨擅奮迹上青霄，賦筆傳中禁恩暉異外朝。

曉關銀箭待夕，殿玉輪邀婉孌，銅龍裏真堪傲八貂。

揚雄能博覽，梁鵠最工書，校字開琅帙，含毫對綺疏，好

詩天上和常宴，大官儲風度，張思曼招要步玉除。

張敦復
學士與

澹人同內
庭供奉

絃網招賢日翩翩獻賦來爭傳白雪唱齊上黃金臺雨
露恩無報風塵眼倍開此時陪後乘還羨歲星才
參辰一以隔三載曠知音忽枉懷人什偏多感別心鮮
芳餘藻翰風義重瑤金他日班荆話憂余鬢雪侵

陸宇鏡劉震修萬貞一葉九來王碩園家松之
集綠滋堂分韻得微字

客來能散暑對景總忘機小閣橫花塢虛堂瞰石磯涼
風搖樹晚清漢入檐微山酌饒幽興相期製薜衣

小園梨樹六月得花因成二首

暑節溫風扇俄開冰玉姿光隨素槿發香逐絳荷移大
谷應垂實空庭正滿枝晚花無限好那必及春時

不忍孤芳歇終能荅歲華
惜寧須作葉綠豈待爲花冷
豔欺紈扇繁香透綢紗
誰知持白雪却得傍紅霞

夜過維亭

鳴榔當暑夕水面遞微涼
樹帶邨廬小波涵石堰長
浮潮風浩浩流景月茫茫
本是江鄉客滄洲興不忘

望亭夜發二首

入舟困炎暑挂席喜宵行
穆穆金波泛霏霏玉葉生
慙能停羽扇祇欲濯塵纓
况對同懷客高談意每傾

時劉震修共載

所翫殊非故真同鄭圃遊
舛疑隨舸動星欲帶雲流
野

步邨燈見荒亭戍堡留平生
屢經過幾度月當頭

慧山泉二首

一泓靈液好碧蔭復高梧半嶺雲皆潤當軒草不枯清
何殊沆瀣香豈愛醅醕修綆無勞汲尊匏直置嚮
畏此流金日欣看噴玉泉終依紺宇靜獨益碧山妍細
響亭陰出微涓石脈穿任人區品第芳潔只年年

毘陵苦旱二首

曦陽驕未已愁此頓輕撓海闊空留眼

城西三里有巨木橫
亘河底人稱海眼

江

深不送潮千畦纔藝菽百頃待疏苗入夕亭皋外偏愁
月色饒

天行豈虛沴皇澤敢辭頻再歲仍枯旱餘忙倍苦辛
石惟思燕羽雲祇望龍鱗得遇盈塗潦從教濺客輪

桔槔

後枯資一溉機事政辭勤苦憶翻盆雨難誇荷鍤雲足
抵輪更轉水激呶俄分力盡勞歌發偏令空外聞

至毘陵寓居楊氏宅二首

虛館傍東闌庭深草作茵門懸雙戟好書寄一牀新住
得邀名士來非問主人壺餐終日有客旅未全貧
寂寂芳園裏山多徑未平餘花垂磎戶老樹覆巖楹閣
小藤蘿暗橋空荇藻明往來人跡少不住沸蟬聲

家大兄自泰興過常州寓舍

江外紆舟向斗城吾兄垂訪慰羈情狂呼五斗高談涌
乍撥三絃煩暑清帚屐未嫌賓榻滿圓方且喜客庖盈
輸他何氏東山下共守林樊學避名

苦熱

炎雲峰不散團月扇何功汗有揮成雨窓無甞至風甘
瓜晨便剖疎簾夜疑烘豈少征行客驅馳毒霧中

陳集生見訪毘陵

旅次乘舫訪高懷奈爾何披襟散毛髮把酒屬星河瓶
粟家儲少巾車客到多近傳佳句在知是費吟哦

西瓜

瓜熟離離薦園疇歲亦登名應自西極色豈羨東陵剖
實丹霞絢浮甘碧玉澄藉茲銷內熱絕勝飲寒冰

將去毘陵震修以病留適唐子恪至遂同行

共舫漣牀散鬱陶征車不定客程遙到時夜正冰輪滿

別日風初碧葉飄病態劉楨還落拓賦情唐勒且招要
蓬飛萍合無端事兩地羈心對寂寥

所在禱雨不效感而賦此

靈壇終若走群巫矯首泥龍應絕無豈惜長生訓束哲
空將短札笑岑瑜籌車已枉田家祝擔負誰輸內史租
何意朱明正農節却來滿目對榛蕪

丹陽曉發

傍驛傳宵炬緣城颺曉旌橋通行舶緩筇入戍樓清漠
漠生煙合離離遠樹迎秋來纔一日已覺客衣輕

句容溧水道中

岼似金堤帚山如勾漏砂空亭延旅屐淺水滯枯槎樹

斷猶存耕池荒僅漚麻豈堪千頃稻不作一畦花

至漂水宿永壽禪院

琳宮開藻野寶塏壯嚴城旅騎曾經過禪關早識名牕
前虛榻靜竹下暗風生客夢餘深省鳴豳曉院深

贈吳敬生學博

地有書堂舊

漂水有董永
蔡思讀書堂

廬傳隱客星

東廬山相傳嚴
子陵結廬之所

君來臨學

館何異住巖扃闢舍親題記開帷共說經相逢情宿昔
攜酒到郊垌

蒲塘

在漂
水

宿柳長堤映碧蒿蒲塘橋下水容刀望中高塚殘碑出
傳是當時左伯瑤

過溧水後重東敬生

東廬靄靄白雲多三鶴仙山更若何
縣廨尚留殘碣在乞君重認漢光

高淳七夕小飲憶震修

天上文螭駕人間夜鵲靈
明河光潋潋纖月態亭亭
高館尊浮蟻閒庭露濕螢
晉陵留滯客誰共看雙星

高淳雜詠四首

蓼葉蒲根相映秋林邊
煙塢水邊洲差差細浪浮萍動
棹出漁邨一葉丹

固城湖畔帶江潮
宛宛長虹跨石橋
萬樹輕楊堤下種
行人舉手恰攀條

草木平陵舊得名浮關石曰淺還清莫嫌荒縣無閩郭
墨綬身當百雉城

花山迴接秀山隈曾說仙人駕鶴來花茁牡丹占歲稔
云何不遣一枝開

花山石上有白牡丹
開則歲稔土人云

至宣城同梅淵公晚登敬亭山二首

謝公留賞後山色到如今客路尋知已來遊惜晚陰溪
幽白石暗松靜碧煙深回磴迷離上微聞鐘梵音
山能盤百里閣已入重霄檻外雲無際林端月漸饒傾
杯持客袂縛炬照峰腰不厭相看好胡然返暮輶

渡青弋江

江在
南陵

來過青弋水古渡一樣橫輕淺浮沙色空澄漾午晴人

螭磯弔孫夫人

生違劒閣辭椒寢死戀螭磯掩翟衣不葬吳山豈無意
千秋魂魄樂西歸

天門山

江容婉婉雙眉列天表峨峨兩闕浮曾似山經神禹鑿
特開關鑰下洪流

采石

江出天門北青山迴不羣重樓空靄入列岫翠煙分泛
渚宜邀月攀松足駐雲當年謫仙客深憶謝將軍

故神樂觀

勝代舊精禋壇荒委暮塵空餘肆舞地誰是步虛人深

院藏丹簡明庭禮玉晨方山與鍾阜相望自成鄰

織造曹君示所賜 御書敬賦

奎壁天奇藻河山地寶章典彝探竅奧道秘協羹牆

聖以多能作文將庶品昌絲言垂訓誥瑤札煥琳琅栢

殿常趨侍楓庭屢拜颺擘窠驚卧虎飛白動儀鳳睿製

光軒頡恩施感廟廊披懷逢縞帶盥手啓緗囊千斗芒

千丈縈河錦七襄金題嚴款識玉躑細裝潢皇矣清寧

篆恭用小璽休哉敬慎堂所賜敬慎二字爲堂額鐘聲揮古句又賜唐人絕句一幅麥

氣詠微涼御書絕句云郊原浮麥氣池沼漾清涼夏口臨橋望薰風處處新乃聖製也箋並澄心貴煙應

易水良鳳毛騰九采龍甲發千光遊藝空前詰昭回契

彼蒼冲情留染翰餘暇寄垂囊筆諫誰能繼書評詎敢

量觀瀾真浩浩測海但茫茫制作追曠畫規模越漢唐
臣文恭讚頌
臣璽慎珍藏

含經堂集卷五

含經堂集卷六目錄

詩六

赴監修明史之召途中簡葉訥菴張素存二總裁暨史館諸公四首

泊舟京口遇雨

過寶應同萬貞一鄒彥康飲湯爾遠署齋爾遠追送至平湖橋而別

阻風古城望宿遷不得渡悵然有作

古城臧氏邨居候渡

九日渡河至宿遷

洞晤邨店三首次大兄題壁韻

塗次寄葉九來

沂州道中

渡沭水至豐城

過徐公店懷家子星

蒙山

晚抵蒙陰示貞一

新泰道上

羊太傅故里

羊流曉發

泰山

屏風山二首

遊趵突泉

阜城道上

鄭州

塗中絕句三十六首

含經堂集卷六

崑山徐元文立齋著

赴監修明史之召途中簡葉詠菴張素存二總裁暨史館諸公四首

聖治邁夏古文德耀三辰
睿情悅圖書典冊昭炳麟
眷言勝國史治亂嚴具陳
曠時闕纂緝無乃記載湮
八紘羅才彥物色徧隱鱗
擢官清切地濟濟鳳沼新
開館給筆札翕絕聞
朱輪職司有監護故事須宗臣
謬蒙非次錄寵綽賁
荒榛顧已增怵惕聞
詔敢逡巡望舒如規
圓陽烏飛秋旻離觴玉山側
別軫谷水濱迢迢指京路
餘暑猶侵人涓埃欲有報
間關寧足論

誰總史局任摺匠推二賢文章足華國簪筆彌歲年累
被宸眷渥從容陪細旃琅琅發經義治道陳曩編吾
君真堯舜往復勤搜研貂褕頒密禁珍膳羅芳筵異
數優侍從曷哉增爾虔如臣乏輪翮承恩相後先託根
泰山阿運會乃因緣獨寤思所欽歐宋誠比肩優閒聊
備位糠粃愧在前

有明三百年書策紛無紀累葉編實錄金匱寧信史諸
家多淆訛野乘翻填委末祀爭門戶論訛撓國是文獻
漸渺徵討論容可已昭代制作精軒陛宣明旨載稽洪
武初成憲當準擬宋王固鉅儒諸賢丘園士圭齋經國
書前人具良軌載筆歲未周捷速豈云美筆削一代嚴

賞罰百世俟矚目列華茵聚聚瑞璵比努力仗羣賢藉
以獻天子

天壤惟鮮民煩冤莫能訴誰是采蘭人林鳥亦知哺如
何驚風吹隕絕舉魚慕鳥獸躑躅喙氣聲動行路荏苒
踰再朞倏忽易驟素幸荷錫類仁恩波逮壠樹俛仰能
不悲淒淒感露聖澤侔山海棲遲敢託故創割猶
含痛采甄及廢瓠牒符前日至有司敦迫屢倥傯宿春
糧王程慮稽誤戀戀松楸間一步一迴顧異彼王逸少
抗情誓丘墓

泊舟京口遇雨

連朝霖霖暑初收鐵甕城西繫客舟煙勢迷離疑近暮

篷聲浙瀝漸知秋江連天影荒荒合山接雲陰浩浩浮
何事重霄多雨澤不教及早慰農疇

過寶應同萬貞一鄒彥康飲湯爾遠署齋爾遠
追送至平湖橋而別

于役祇王程長淮浩方濟濛濛雨乍收沈昏煙未霽親
交日以遠茲土有嘉獎詎獨綴葭蓍何異連常棣愛至
望每殷規深賞寧替千里成棲遲一壇且脫敝人俗漸
楚館官守猶秦贅齋厨藿不充解舍風纔蔽多愁病復
櫻况乃值儉歲麤糲足供餐經營意轉戾相顧且盡觴
何忍便投袂緬彼共事賢瑱璫適相隴亦有同懷人津
途慰迢遞高談暢物理痛飲釋憂懣燭燼宵亦闌趨蹌

困徒隸舟畔傳柝聲城頭聞鴈唳鼓柁及朏明踏歌遠
相繼輕篷作祖帳浮卮類秋禊重酌安宜釀再鱸射陽
鰕舉醕豈解醒騰觚但臨睨別艇須臾分極目各天際
深情比河流瀾渺豈可厲願子昂明德服道且遊藝一
息養羽翰百畝樹蘭蕙守身孝莫先樂貧古所勵揚名
會有時莫灑臨岐涕

阻風古城望宿遷不得渡悵然有作

行行大河側景映沉霾黑濤奔起怒聲萬飛含勁力欲
濟絕舟航恨乏雙飛翼逆旅頓僕夫獨就邨家息堊壁
僅有泥荻戶曾無闕主人雞黍餉更乃饋漿醕亦得寧
軀骸且復飽餐食鼓牀敗薦鋪破寶單衣塞侵曉臨荒

隄狂飈雨仍逼竹箭流朝夜風波浩無極但見彤雲屯
其如白日匿神靈意若何茫昧信難測空對楚王臺徒
聊鍾吾國鴻傳寥暖響馬作虺隤色津人抱篙楫漁子
罷罟罟煩懣勞襟情凍凜懣膚革留滯及兼晨猶如累
牽纏人事每錯迕行路多艱棘豈若耽林壑迹靜心自
得浮名非所希終想羲皇域

古城臧氏邨居候渡

淒雨狂風頓客車荒邨茆舍舊堤遮誰云樹不忘三宿
猶喜漿無饋五家急箭奔流秋汗漫疎楊拂岸暮敲斜
臨津悵望終難濟却羨明河獨泛槎

九日渡河至宿遷

風雨連秋序關河帶別思添衣頻解索舉酒不勝卮共
此登山日當余問渡時家園萸遍插遙爲數程期

峒嵒邨店三首次大兄題壁韻

原詩行殿馬陵道黃沙
望眼遙邨邨榆柳盡辛

苦爲
河堤

地闊孤祠迴邨荒宿草迷嵒山盤十里亦得壯金堤

四野秋陰合終朝山雨迷馬煩車已殆稍喜渡河堤

阻風

黃河西岸
者三日

分攜齊女外流駛望舟迷不遠征軺發何時過汴堤

家兄

將由中
州入都

塗次寄葉九來

當君北行日逆旅寄新詩歸伴園中鶴來歌門外驪夜

涼山檻月秋老桂叢枝客路無護草憑何慰遠思

沂州道中

晨興景澄霽長沂臨洑流滄滄日初起塗塗露未收問
徑田舍叟借渡漁邨舟霏明沙邊樹森靄林外丘暖雲
鴈命侶淒藻鳧依洲荒疇刈殘菽窮旅懷餘餽非邑瑯
琊舊表鎮齊南陬遺治傳漢守矯俗舒慢糾悠悠太保
里孝義垂千秋長懷企遠迹引領成吟謳前路漫浩浩
弭策空夷猶

渡沐水至豐城

俗稱伴城

鳴鴈多悲音客子多苦心鄉思即鬱紆塗路兼嶮嶮涉
沂尚清淺渡沐阻且深坐待日已盱儀舟不及舂行旅

爭喧厓駢驂各浮亂津人乘波游過涉寧可翫旱久陰
霖多浹月俾滂沱蹄涔溢淫潦吟隰翻盤渦橋危豈必
峻岸闕何其頗舍車還策馬衝泥恣沾灑傾跌爭須臾
遇險不得下耳目無旁注銜策勤握把僕從何忤營參
差數道行指顧失前後阻闊逸音聲深宵多不達別復
尋茅荆天高星月小野曠心骨驚常聞先王則除道關
吏職閱歲成枉梁課農事溝洫何至徧潢汙且更任漫
減稅鞅幸已多投翰還太息

過徐公店懷家子星

子星曾分巡兗東有惠績創屋宇沂水之間以居流民人稱爲徐公店云

吾宗有循吏聲著岱巖東民作千家聚身無一畝宮邨
譟聽賈父鄉社指樂公愛樹空山下秋深轉鬱蔥

蒙山

行過瑯琊指岱宗三日望見雲蒙峰巖岫縈連嶂崕兀
朝暮屢變煙霞容青岑靄靄翠黛積白石稜稜浩雪重
堯山艾嶺鬱相望前後揖拱安得同江邊直疑對九子
淮服何堪數八公秋風拂幘客行疾芒屨空欲尋幽蹤
操蛇之神杳難問駕剡誰者邈莫從惟聞孤城響晨柝
乍看數樹明邨楓菰韭可嘗泉可啜令人終憶吳山東

晚抵蒙陰示貞一

白月初銜岫金波已麗空風吟涼葉裏煙蘿遠村中戍
火荒塗隔山城淺水通間關行已到且莫訴途窮

新泰道上

行車無停輪曉夕翫流景初服單絺溫今御重纈冷再
見望舒圓漸失秋河耿涉楚臨齊疆陳迹閱俄頃威遲
歷阻艱登降窮深永已過磬山陽前瞻泰岱嶺峰色翠
有餘沙路晴堪騁角角雄乍雌爰爰兔思逞邨家猶煮
繭山戶盡垂簾平林向晚衰回颺入空猛京邑路始半
早已困榛梗百念徒晨縈寸心亦宵憬排虛謝輕翻用
汲絀深綆震蕩怵國恩止足念微乘庶幾古人心悠然
合張邴

羊太傅故里

舊是羊公里穹碑作墓門山應當日鑿邨有數家存自
秀徂徠色難招峴首魂征車此頻過惆悵酌芳尊

平流曉發

旅夜良非促晨雞竟不停月高庭綴白天遠岫排青鄰
寺晴鐘徹孤邨曉戶扃寸心愁遠道憔悴似初經

泰山

建嶽東維長升中歷禊禋天門清謁蕩地鎮鬱嶙峋碧
殿疏丹嶺青丘近紫宸百神翮上下萬象萃紛綸顯位
三公秩乘時四序春景炎開瑞籙享壽佐洪鈞巖豈惟
瞻魯峰還直望泰未陰雲觸石先曉日扶輪躋陟涼溫
變窺臨煙靄親丈人凌絕漢玉女麗秋旻群岫皆培塿
靈區獨隱嶙石間虛構靜金檢秘辭湮公帶圖曾獻芝
童鹿自馴松蒙嬴氏爵柏紀漢皇巡剡嶂平懸碣飛泉

直曳紳云亭陰黻黻汶泮碧粼粼屢過征衣敝重來客
眼新不迷五里霧漸老百年身却病思神枕銘功笑諛
臣爲看吳市練終憶故山垠

屏風山二首

有序

山在張夏上有二竇旭起蟾升朗朗輝映至正中
郭御史嘉以通明名之而人不稱也其碑記以四
明爲比而薄之爲四孔之山貞一憤其家山見誚
曾留題絕句今余與重過張夏更尋舊題因口吟
爲之解嘲焉

題碑驄馬舊郵亭翠色依然列畫屏應識金閨老供奉
九華曾不勒山庭

明州山是神靈宅七十餘峰萬象開曾記天台孫綽賦
比將方丈與蓬萊

遊趵突泉

海右多幽蹟岱陰富名泉
襟源觴可濫濟河棹足沿
千絲金晃朗萬顆珠嬾娟
奇哉此趵突名起熙寧間
潛流自渴馬噴薄成迴淵
波激山乍涌湍猛石欲翻
神鼎沸不息急箭奔無還
漚汨漂以怒忽恍神所甄
車雷只奮地巖紳非挂天
可使羲輪浴或訝坤維穿
鬱伏厚已積騰迅隱畢宣
臨觀踞濁蕩掬飲煩疴蠲
一插未妨重三刺真空傳
上有千霄樹詰曲如龍盤
下有凌波藻離褊若鳳鸞
風迴交鼓盪日映相輝鮮
靈漚體豈滯游瀾勢

亦寬浩浩歷曉昏翩翩下神仙
萬虹白浪裏結廬背雲邊
臺館正業峨軒騎何駢聞遙巖映飛翠澄水對張筵
絲竹雖繁會清音良獨妍轉作淩上想還助逝者川痛
飲李與杜來遊閱千年空留歷下作曾未觀潺湲古人
有遺恨勝賞寧徒然

阜城道上

廣野悠悠古道平驅車晨發及新晴
煙凝紫楚符堅壘塵沒荒堤樂毅城
丹碧頻移秋樹色高低時逐舊河行
鄉山繇邈休回眺日近唯應望帝京

鄭州

燕南當趙北百戰舊雄州
遺聚留荒井頽城作古丘
燈

微殘月曉霜淺碧天悠祠廟長桑在何方治旅愁

鄭州北有扁鵲

字今爲祠并其
帥長桑君祠焉

塗中絕句三十六首

數行驚鴈夕煙開寥暖秋風亦可哀不羨南飛雙翮好
爲逢春半又重迴

高柳梢梢汶水濱勁條直幹鬱輪囷笑他吳苑垂垂樹

只遣長絲綰別人

所見柳樹有逆勃
直上似衫形者

青驪燕燕鐵連錢嫋嫋長竿當寶鞭萬隊關山須努力

祇今全不恃樓船

途遇馬數十
輩皆赴關省

嵩嶽龍嵒低嶽奇玉峯迢遞白雲垂分飛不及嘯山鳥

得有悲鳴送別離

伯兄取道天中仲
兄及季弟在里

吾兄俊逸仰難追却喜銜庵誦小詩豈是逢人誇手筆
劇憐愛弟似王維

連嶺侵雲羣峯半溪涵碧獨潺湲山橋下穹碑峙
讀罷依然驟錦韉

羅囊香動紫雲鬟碧葉青柯相映斑何意經年離下別
重逢却在惜華山

山下見
紫菊

旌節爭從天上看風霜猶帶柏臺寒鄉人傳道新開府
一兩輕車已到官

施研山中丞
初遊山左

馬上題詩習未除筆花零落意全疎何來絕妙驚人句
直得篝燈細細書

余詩成貞一
輒代錄故云

望裏單椒華不注城邊洪壑大明湖崔家池涸桐空折

杜氏泉存酒易沽

煙景依微遠火疎祝阿城下夜停車移燈正就繩牀宿

歷下人來又乞書

至齊河郡人
迹及索書

歷落寒邨楓葉稠晏城經過數逢秋停驂悵望空煙裏
三十年來亦敝裘

徒駭已經還馬頰舊河秋曉路坡陀金堤竹落誇能事
千古何如禹績多

孤城太守振軍麾劇賊漁陽氣乍衰千載平原留廟貌

九重終竟可相知

平原顏
魯公廟

直言謫諫漢庭推大隱金門迹可疑若使俳優真共畜

魯公肯爲勒芳碑

東方曼倩
祠在平原

塢聳孤標千仞碧柳搖疎葉一林黃

塢中黃柳皆什色

半沙雨過

青驪駛迴首邨西見夕陽

次景州

舊城舊是條侯國河濟曾傳董子臺幼主臣同驕主相

墓園衰草繫人哀

條侯墓董子園皆在景州

彥升谿口曾須客康樂南樓亦避人吾過南津頻悵望

不知何處滯征輪

過德州待所知

小園泉石總關心繞屋扶疎各滿林最憶霜皮千尺樹

此時碧葉正陰森

已來渤海當畿右却過歸人去向南同是馬蹄還更疾

到時却得試新柑

過景州值友南歸

客路隨時愛景光飄車雖倦亦相羊望中得樹知邨好

行處無塵信馬良

簡子津迷衰草多女娟誰復記遺歌如何故國人思宋

却把劉麟字此河

阜城有劉麟河

孤城睥睨顏皆盡匹馬嘶風意若何前去葡萄河上過

更無人道是滹沱

獻縣北滹沱俗稱葡萄河

乘鯉仙人傳此華授經博士舊爲家靈旗已往殘編冷

城外荒煙度客車

河間有琴高家宅

兩河傳說似瀛洲煙水溟茫鶴鶴浮應識勞勞車馬道

當年有客泛蘭舟

高唐有蘭舟河間清河之作

堤柳沉沉帶野煙空郊閒墅亦悠然數圍高樹藤千尺

栽自尚書未百年

河間西郊有馮司馬廟曾道園

地災頻警厖 宸憂禋燎崇壇殿
采旂誰斷靈鼇指四極好教安穩奠神州

曾說星精散作桃蒼黎縹李豈同曹不知幾許經風露
成得綏山此日豪

旅舍得仇甚天且甘

旅壁揮塵看每遍舊題新驛獨依然名排官序朝鮮使
客賦詩歌萬曆年

任丘新中驛

一宿當年來仲氏至今市隱說晨門敦槃齊鄭交盟地
可有遺祠奠桂尊

石門仲子祠

瓜天撲面走黃沙暫弭金羈日未斜已識葱龍京邑近
今朝頻見過牛車

鐵戶空傳侍女聲一朝飛鏃百樓平田疇不得揮黃鉞

千載猶悲義士情

公孫瓚易京在鄭州之北

趙女疏衣淺窄裳攜瓶獨自汲寒塘行人莫便嗤高髻
自是當時宮樣妝

趙北長堤十里餘虹梁宛宛柳疎疎煙凝淺水荒葭白
邨畔兒童學捕魚

輦下尚餘程二日雲中先見百千峰還如漢室西都勝
太乙終南翠靄重

長堰長橋帶綠楊勢如鞭石駕虹梁鐵篙壓水知何日

誤殺行人說彥章

琉璃河

含經堂集卷六